



## **Qanoq iliorluni illoqarfigisaq qimallugu erniartortatut ilaqutaalu pitsaanerpaamik sullinneqarsinnaanersut pillugit apeqquteqaat aallaavigalugu oqallisissiaq.**

Oqallisissiamut saqqummiisoq Mikivsuk Thomassen saqqummiussannut Naleqqamiit qujaffigaatsigit.

Illoqarfigisaq qimallugu erniartortarneq ilaqutaalu pitsaanerpaamik sullinneqarsinnaanerat pillugu Naleqqamiit qinigaaffik siulianiilli assigiinngitsutigut ilaatigut sakkortuginarsinnaasumik isummer-sorfigisarparput Naleqqamiit isumaqaratta naapertuunnerusumik nunatsinnut naleqquttumik aaqquisuusisoqartariaqartoq.

Illoqarfigisaq qimallugu erniartortartut atugaat imaannaanngissinnaasarput ilaatigut qaammatit pingasut angullugit najugartik qimallugu ineerannguarmi illoqarfissuarmiittariaqartarnerat sivirusarnerat ilaqutariissutsikkut sunniuteqarsinnaasarpoq.

Oqaluttuarisaaneq qiviaraanni ukiuni kingullerni 20-ini meeraaqqat toqusartut ikiliartuinnarsimapput, tamannalu Naleqqamiit nuannaarutigaarput.

Ullumikkut periarfissaalersimasut qissimigaaraanni taamaallaat Nuummi, Ilulissani, Sisimiuni, Qaqortumi Tasiilamilu napparsimaviit ernisussanut upalungaarsimasussanik sullissisinnaasunik sulisulinnik taamaallaat immikkoortortaqarput.

Taamaammat Qaanaamiit nunarput uiarlugu Ittoqqortoormiit tikillugu nunaqarfippassuit ilanngullugit erniartortatut amerlasoorujussuupput taakkulu pitsaanerusumik aammalu pisariinnerusumik pitsaanerusumillu atugassaqarlutik periarfissaqalernissaat Naleqqamiit qaqileriffiguarsimavarput.

Taamaammat siunnersuuteqartumut maannakkut Naalakkersuisuniit akissuteqaataat Naleqqamiit alloriarfiusut suliat ingerlalereersut naammagisimaaratigit oqaatigissavarput.



# Naleraq

Naartusut pitsaasumik atugaqarnissaat taamatullu erninissaq sioqqullugu ernereernermilu kingorna ilaqutaminnit najorneqarnissaanut aaqqiisoqarsinnaanissaq Naleqqamiit kissaatiginaqaaq, taamaam-mallu Nuannaarutigaarput Naalakkersuisut periarfissat qulaajarlugit nuna tamakkerlugu erninermut atatillugu periarfissat sullissinnerit misissorneqarlutik suliarfik ingerlammassuk, tamannalu naam-massillugu aaqqiissuteqarnissat pisariaqavissut Naleqqamiit qilanaaraarput.

Taamatut isummagut saqqummiuttuakkagut saqqummiullugit apeqquteqaat aallaavigalugu oqallisis-siamut Naleqqamiit oqaaseqaateqarpugut.